



Alþingi
Erindi nr. P 140/642
komudagur 5.12.2011

Nefndasvið Alþingis
Efnahags- og skattanefnd
Austurstræti 8-10
150 Reykjavík

Reykjavík 5. desember 2011

Efni: Tillaga til þingsályktunar um aðgerðir í tóbaksvörnum 20. mál.

Samtök ferðaþjónustunnar fengu ofangreinda ályktun ekki til umsagnar, sem er sérkennilegt, en gera eftirfarandi athugasemdir.

Samtök ferðaþjónustunnar hafa alltaf verið í fararbroddi í tóbaksvörnum og má minnast þess að veitingamenn innan samtakanna lögðu til að bannað yrði að reykja á veitingastöðum sem síðar varð raunin árið 2007. Meginmarkmið þess banns var að vernda bæði gesti og ekki síður starfsfólk veitingastaðanna. Samtökin taka undir meginatriði tillögunnar um að gerð verði 10 ára áætlun og hlýtur markmiðið fyrst og fremst að vera að hindra að íslensk ungmenni hefji reykingar og verði það gert með viðeigandi fræðslu og öðrum forvörnum.

Sú hugmynd að banna alfarið sölu á tóbaki og að fólk þurfi að leita læknis og kaupa tóbak í apótekum gegn lyfseðli vekur furðu. Íslendingar sem ferðast til annarra landa munu kaupa tóbak í meira mæli en nú er, fyrir vini og ættingja ef þeir nota ekki tóbak sjálfir, og mun sú verslun þá flytjast til erlendra fríhafna með miklu tekjutapi fyrir ríkissjóð. Hætt er við að önnur viðskipti muni fylgja þar með.

Það vekur líka spurningar hvernig erlendum ferðamönnum verður þjónað. Munu þeir eiga aðgang að læknisþjónustu við komuna til landsins til að verða sér út um lyfseðil fyrir tóbaki?

Öllum góðum tillögum er fagnað en þessi er fullkomlega óraunhæf.

Virðingarfyllst
f.h. Samtaka ferðaþjónustunnar

Erna Hauksdóttir
framkvæmdastjóri